

## Paulo Nwoma A ጋtwere Kōmaa Efesofoo

### *Nkyea*

<sup>1</sup> Krataa yi firi me Paulo a Onyankopon firi ne pe mu aye me Kristo Yesu somafooo no nkyen,

Meretwere akōma ahotefoo a wote Efeso, Kristo Yesu mu nokwafooo no:

<sup>2</sup> Adom ne asomdwoee a efiri yen Agya Onyankopon ne Awurade Yesu Kristo no nka mo.

### *Honhom Nhyira Wɔ Kristo Mu*

<sup>3</sup> Momma yenna Onyankopon a oye yen Awurade Yesu Kristo Agya no ase, efiri se, onam Kristo so de honhom mu nhyira a efiri osoro abre yen. <sup>4</sup> Ansa na Onyankopon bebɔ ewiase no, odoɔ yen na oyii yen wɔ Kristo mu se yebeye kronkron a mfomsoɔ biara nni yen ho wɔ n'ani so. Ofiri odoɔ mu <sup>5</sup> hye too ho se, ne pe mu no, onam Yesu Kristo so de yen beye ne mma, <sup>6</sup> de akamfo n'adom a edooɔo a ode akye yen kwa wɔ ne Do Ba no mu no. <sup>7</sup> Ne mu na yenya ogyee a efiri ne mogya mu. Ne mu na yenya bonefakye nso, sɛdeɛ Onyankopon adom mmorosoo a <sup>8</sup> ode nyansa ne ntease nyinaa hwie guu yen so no tee. <sup>9</sup> Onyankopon nam dee Kristo yee no so ada n'anwanwa kwan no adi akyerɛ yen se, <sup>10</sup> eberɛ

a wahye no, ɔbeboaboa abodee nyinaa ano, deɛ ewɔ ɔsoro ne deɛ ewɔ asase so ahye ɔbaako a ɔne Kristo no ase.

<sup>11</sup> Onyankopɔn ye deɛ ɔpe eberɛ biara. Eno enti na ɔnam Kristo so paw yen firii ewiase ahyɛaseɛ, <sup>12</sup> sedee ebeye a yen a yɛdii ekan nyaa anidasoɔ wɔ Kristo mu no beye nkamfo ahye no animuonyam. <sup>13</sup> Saa ara na ete wɔ mo ho nso. Eberɛ a motee nokwasɛm a eye Aɛmpa a ɛmaa mo nkwayee no, mogyee Kristo diiɛ. Wɔde bɔhye Honhom Kronkron no hyee mo nso wɔ ne mu. <sup>14</sup> Honhom no ma yen awerɛhyemu sɛ wɔde deɛ Onyankopɔn de asie ama ne nkurɔfoɔ no bɛma yen. Afei, yɛbede yen ho na wɔbekamfo Onyankopɔn ahye no animuonyam.

### *Aseda Ne Mpaɛɛbɔ*

<sup>15</sup> Esiane yei enti, ɛfiri eberɛ a metee gyidie a mowɔ wɔ Awurade Yesu mu ne ɔɔɔ a modɔ Onyankopɔn nkurɔfoɔ no, <sup>16</sup> mennyaee aseda a meda Onyankopɔn ma mo no da. Mekae mo wɔ me mpaɛɛbɔ mu, <sup>17</sup> na mebisa yen Awurade Yesu Kristo Onyankopɔn, animuonyam Agya no sɛ, ɔmma mo Honhom Kronkron no a ɔbɛma mo nyansa na wada Onyankopɔn adi akyere mo, sedee ebeye a mɔbɛhunu no. <sup>18</sup> Mesɛ sɛ mo adwene mu mmue na monhunu ne hann no, sedee ebeye a mɔbɛnya anidasoɔ a eno enti ɔfrɛɛ mo no ne ahonya a ewɔ agyapadeɛ kronkron a ewɔ ho ma ahotefoɔ no, <sup>19</sup> ne ne tumi a eso na biribiara ne no nɛ ma yen a yɛgye die no. Eye saa tumi nwanwasoɔ no ara na ɔdaa no adi <sup>20</sup> eberɛ a ɔnyanee Kristo firii awufoɔ mu na ɔde no tenaa ne nifa so wɔ ɔsoro ahemman no mu

no. <sup>21</sup> Saa tumi yi korɔn sene mpaninnie ne tumidie, ahooden ne kɛseyɛ, ne dibere biara a wɔtumi de ma saa eberɛ yi ne eberɛ a ebɛba no mu. <sup>22</sup> Onyankopɔn de biribiara hyɛɛ Kristo nan ase, na ɔde no ayɛ nneɛma nyinaa ti ama asafo no, <sup>23</sup> a ɛne ne onipadua. Ɔno ne deɛ ɔhyɛ adeɛ nyinaa ma wɔ akwan nyinaa mu.

## 2

### *Yɛnya Nkwa Wɔ Kristo Mu*

<sup>1</sup> Mo deɛ, na moawuwu wɔ mo amumuyɛ ne mo bɔne a <sup>2</sup> na anka mote mu, eberɛ a na modi ewiase ne ewiem sodifoɔ ahennie akyi no ne honhom a seesei ɛreyɛ adwuma wɔ wɔn a wɔyɛ asoɔden mu no. <sup>3</sup> Eberɛ bi, yɛn nyinaa ne wɔn tena dii honam akɔnnɔ akyi yɛɛ ɔhonam apɛdeɛ ne ne nsusuiɛ. Yɛn nso na ɛɛ sɛ Onyankopɔn abufuo ba yɛn so. <sup>4</sup> Nanso, ɛsiane n'adɔyɛ a ɛdɔɔso ma yɛn enti, Onyankopɔn a n'ahummɔborɔ dɔɔso no <sup>5</sup> maa yɛn nkwa wɔ Kristo mu, wɔ eberɛ a anka yɛawuwu wɔ amumuyɛ mu mpo; adom enti na wɔagyɛ mo nkwa. <sup>6</sup> Onyankopɔn nyanee yɛn ne Kristo, na ɔde yɛn ne Kristo atena ɔsoro ahemman mu <sup>7</sup> sɛdeɛ ɛbɛyɛ a nna a ɛreba no mu, ɔbɛda n'adom ahonya a ɛboro so no adi; n'adɔɛɛ a ɔnam Kristo Yesu so yɛɛ yɛn no. <sup>8</sup> Ɛyɛ adom no enti na wɔnam gyidie so agyɛ mo nkwa. Ɛmfiri mo ankasa, ɛyɛ Onyankopɔn akyɛdeɛ. <sup>9</sup> Ɛmfiri nnwuma mu, na obi de ahoahoa ne ho. <sup>10</sup> Onyankopɔn na wayɛ yɛn sɛdeɛ yɛtɛɛ yi. Ɔnam Kristo so bɔɔ yɛn sɛ yɛmmɛyɛ nnwuma pa a wasiesie ato ho no.

### *Kristo Mu Baako Ye*

<sup>11</sup> Afei, monkae se mo a na anka kane no wɔwɔo mo amanamanmufoo, na wɔn a wɔfre wɔn ho twetiatwafoo, (deɛ wɔde nsa ayɛ wɔ honam mu) fre mo momonotofoo, <sup>12</sup> monkae se saa eberɛ no, na moate mo ho afiri Kristo ho, na wɔnnkane mo mfra Israelfoo, na moyɛ ahɔhoɔ a monka bɔhyɛ apam no ho, na monni anidasoo ɛna monni Onyankopɔn nso wɔ ewiase. <sup>13</sup> Nanso, afei mo a na anka mowɔ akyirikyiri no, wɔnam Kristo mogya no so atwe mo abɛn Onyankopɔn.

<sup>14</sup> Efiri se, Kristo no ankasa nam baako a wama Yudafoo ne amanamanmufoo ayɛ no so de asomdwoɛɛ aba. Ɔnam ɔno ankasa ne honam so bubuu ɔfasuo a na ɛtwa wɔn ntam ma wɔyɛ atamfoo no. <sup>15</sup> Ɔnam ne onipadua so asɛɛ Mose Mmara ne n'ahyɛdeɛ tumi no. Ne botaeɛ ne se ɔbɛma Yudafoo ne amanamanmufoo ayɛ baako na ɔde asomdwoɛɛ aba. <sup>16</sup> Ɔnam asennua a ɔde sɛɛ nitan a ɛwɔ wɔn ntam no so aka wɔn abom ayɛ onipadua baako na wapata wɔne Onyankopɔn ntam. <sup>17</sup> Enti, Kristo ba bekaa Asempa a ɛyɛ asomdwoesɛm no kyerɛɛ wɔn a wɔwɔ akyirikyiri ne wɔn a wɔbɛn nyinaa. <sup>18</sup> Ɔno enti yɛwɔ Honhom baako a yɛnam no so kɔ Agya no nkyɛn.

<sup>19</sup> Enti seesei, monnye ahɔhoɔ ne amanfrafoo bio, na mmom mo ne Onyankopɔn nkurɔfoo no ye nnipa korɔ na mofra Onyankopɔn abusuafoo no mu, <sup>20</sup> na wɔato mo asi asomafoo no ne adiyifoo no fapɛm a Kristo Yesu no ankasa ye ne tweatiboo no so. <sup>21</sup> Ɔno na ɔma ɛdan mu no nyinaa ye baako na ɛbeyɛ asɔredan kronkron

wɔ Awurade mu. <sup>22</sup> Ne mu na wɔresiesie mo na mo abɔ mu abeyɛ efie a Onyankopɔn nam ne Honhom so tena mu.

### 3

#### *Paulo, Amanamanmufos Ɔsempakafoɔ*

<sup>1</sup> Me Paulo, mo amanamanmufos enti, Kristo Yesu de me yɛɛ deduani.

<sup>2</sup> Nokorem, moate Onyankopɔn adom a ɔnam me so de ma mo no ho asem, <sup>3</sup> a eno ne ahintasem a wɔnam adiyie so de ama sɛdeɛ matwerɛ no tiawa dada no. <sup>4</sup> Na sɛ mokenkan yei a, ennɛ mobete nhunumu a me wɔ wɔ Kristo ahintasem ho no ase, <sup>5</sup> deɛ wɔannyi ankyerɛ awɔɔ ntoatoasoɔ bi mu nnipa sɛdeɛ ennɛ yi Honhom no ada no adi akyerɛ Onyankopɔn asomafos ne adiyifos kronkron no. <sup>6</sup> Saa ahintasem yi kyerɛ sɛ amanamanmufos ne Israelfos bom ye adedifos, wɔbom ye onipadua baako, na wɔwɔ kyɛfa wɔ Kristo Yesu mu bɔhyɛ no mu.

<sup>7</sup> Onyankopɔn adom akyedɛɛ a ɔnam ne tumi no adwumayɛ so de ama me no enti, me yɛɛ asempa no ho ɔsomfos. <sup>8</sup> Ewom sɛ me ne aketewa pa ara wɔ Onyankopɔn nkurɔfos nyinaa mu, nanso Onyankopɔn yɛɛ me adom sɛ menkɔka Asempa a efa Kristo ahonya a emu nni hwɛhwɛbea no nkyerɛ amanamanmufos, <sup>9</sup> na memma nnipa nyinaa nhunu saa ahintasem yi dwumadie a wɔde asie wɔ Onyankopɔn a ɔbɔɔ adɛɛ nyinaa mu wɔ mfeɛ bebree a atwam no mu. <sup>10</sup> N'atirimpɔ ne sɛ afei ɔnam asɔre no so bɛda ne nyansa a emu dɔ no adi akyerɛ ewiem mpaninnie ne atumfos, <sup>11</sup> sɛdeɛ ɔnam yen

Awurade Kristo Yesu so wíee ne botaae a ewo ho daa no. <sup>12</sup> Afei Kristo ma yen akokoɔduru ne ahotosoɔ a ema yɛnya gyidie ba Onyankopɔn anim. <sup>13</sup> Mesre mo, mommma mo aba mu mmu wo amane a mehunu ma mo no ho. Eye mo animuonyamhye.

### *Wɔbo Mpaee Ma Efesofoo*

<sup>14</sup> Yei enti, mebu nkotodwe wo Agya no anim, <sup>15</sup> ɔno na ne din da n'abusua a ewo ɔsoro ne asase nyinaa so. <sup>16</sup> Mebo mpaee se ɔmfiri n'animuonyam ahonya no mu mfa ne Honhom a ete mo mu no so nhye mo den, <sup>17</sup> sɛdeɛ ebeye a Kristo befa mo gyidie so abetena mo akoma mu. Se moagye nhini na moatim wo ɔɔ mu no, mebo mpaee se <sup>18</sup> mo ne ahotefoo nyinaa benya tumi, na moate Kristo do no tre, ne tentene, ne korɔn ne emu do no ase, <sup>19</sup> na moahunu saa ɔɔ a etra adwene nyinaa so no, na Onyankopɔn ahye mo ma.

<sup>20</sup> Animuonyam nka Onyankopɔn a ne tumi ye adwuma wo yen mu. Onam saa tumi yi so ye deɛ yebisa anaa deɛ yesusu ma eboro so. <sup>21</sup> Animuonyam nka Onyankopɔn wo asafo no ne Kristo Yesu mu mfiri enne nkɔsi daapem. Amen.

## 4

### *Baakoɛ Wo Kristo Mu*

<sup>1</sup> Me a meye odeduani ma Awurade no hye mo se montena ase mma emfata ɔfre a woafre mo no. <sup>2</sup> Mommre mo ho ase koraa na monnwɔ; monto mo bo ase, na mone obiara ntena wo ɔɔ mu. <sup>3</sup> Mommɔ mmɔden se monam asomdwoee ahoma so bema Honhom baakoɛ no atena mo

mu. <sup>4</sup> Nipadua baako ne Honhom baako na ewo ho, sedee wofree mo koo anidasoo baako, <sup>5</sup> Awurade baako, gyidie baako ne asuboo baako mu no. <sup>6</sup> Yewo Onyankopon a oye yen nyinaa Agya a odi yen nyinaa so. Onam yen nyinaa mu, na ote yen nyinaa mu nso.

<sup>7</sup> Yen mu biara wo adom bi sedee Kristo akye ama yen. <sup>8</sup> Yei enti na Atweresem no ka se, “Ebere a oforo koo osoro no, ofaa nneduafoo kaa ne ho; na omaa nnipa akyedee.”

<sup>9</sup> Afei se “okoo osoro” no nkyereasee ne sen? Asee kyere se, dee edi ekan no, okoo fam, asase ase pee. <sup>10</sup> Enti dee okoo fam no ara na okoo osoro a eboro ewiem nyinaa so, sedee obehye abodee nyinaa ma. <sup>11</sup> Ono na omaa ebinom yee asomafoo, afororo yee adiyifoo, afororo yee asempakafoo, na afororo nso yee asofoo ne akyerekyerefoo. <sup>12</sup> Oye yei de siesiee Onyankopon nkurufoo nyinaa maa osom nnwuma, sedee Kristo onipadua no nyini bekoso <sup>13</sup> kosi se yen nyinaa benya gyidie baako ne Onyankopon Ba no ho nimdee baako, na yeawie nyini wo Kristo maye mu.

<sup>14</sup> Yerenye mmofra bio, won a asorokye bo won ko dee epe, na nkyerekyerere mframa biara de won di akoneaba na nnipa bradetofoo ne anifirefoo daadaa won. <sup>15</sup> Mmom, se yetena ase nokore ne odo honhom mu a, yebenyini wo Kristo a oye asafu no Ti mu. <sup>16</sup> Ne mu na honam akwaa ahodo no soso won ho won ho mu. Ne mu na obiara ye n’adwuma na onipadua no nyini ahoden so wo odo mu.

### *Hann Mma Asetena*

<sup>17</sup> Mede Awurade din bo mo koko se, monntena ase bio se amanamanmufoo a wanni adwene pa bi, <sup>18</sup> na esum aduru won nteasee. Wonnim hwee na woye asooden. Wonnim Onyankopon mu asetena na wanni atenka ma dee etene. <sup>19</sup> Won ani nwu hwee. Wagyaa won ho ama bone na woye afidee ahodoo nyinaa bi a wonu won ho.

<sup>20</sup> Enye saa na mosua faa Kristo ho. <sup>21</sup> Eye nokore se motee ne nka, na wokyerekyere mu sodee nokore a ewo Yesu mu no tee. <sup>22</sup> Enti, montwe mo ho mfiri mo suban dada no a akonno bone ama aporo no ho. <sup>23</sup> Momma Honhom no nye mo akoma ne mo adwene foforo, <sup>24</sup> na montena ase wo suban foforo a wobo no Onyankopon seso wo teneneeye ne kronkronye mu.

<sup>25</sup> Monni atoro nkyere mo ho mo ho. Obiara nni nokore nkyere ne nua, efiri se, yen nyinaa ye nnipa baako wo Kristo onipadua mu. <sup>26</sup> Se wo bo fu a, nye bone mma awia nkoto w'abufuo so. <sup>27</sup> Mma obonsam kwan. <sup>28</sup> Esee se obi a obo korono no gyae koronobo. Obiara nye adwuma na moatumi aboa afoforo.

<sup>29</sup> Mma kasa bone mfiri w'anomu, na mmom, ka kasa pa na aboa afoforo sodee ehia won na won a wotie anya ho mfasoo. <sup>30</sup> Monnhye Onyankopon Honhom Kronkron a wonam so aso mo ano ama ogyee da no were. <sup>31</sup> Monyi yeadie, bobone ne abufuo, ahohoahoa ne nsekuro ne bonepe nyinaa mfiri mo mu. <sup>32</sup> Monye ayamye mma mo ho mo ho. Mo yam nhyehye mo mma mo ho mo ho, na momfa mo mfomsoo



nkyekyekyekye mo ho mo ho sɛdeɛ Onyankopɔn  
nam Kristo so de mo bɔne kyɛɛ mo no.

## 5

<sup>1</sup> Esiane sɛ moyɛ Onyankopɔn mma a ɔɔɔ wɔn  
no enti, monsuasua no <sup>2</sup> na motena ase ɔɔɔ mu  
sɛdeɛ Kristo ɔɔɔ yen, na ɔɔɔ ne nkwa too hɔ maa  
yen sɛ afɔrebɔdeɛ a eyɛ hwam ma Onyankopɔn  
no.

<sup>3</sup> Nanso ɛnsɛ sɛ wɔte adwamammɔ anaa afideɛ  
anaa anibereɛ ho asem wɔ mo mu, ɛfiri sɛ  
yeinom mfata Onyankopɔn nkurɔfoɔ kronkron.

<sup>4</sup> Saa ara nso na ɛmfata sɛ moka kasa efi,  
ahuhusem anaa sɛ moyi nsenkwaafi, mmom  
monna ase. <sup>5</sup> Monnya nteaseɛ sɛ, obiara a  
ɔɔɔ adwaman na ɔye afideɛ, na ɔye oniberefoɔ  
(anibereɛ ye abosonsom) no rennya kyɛfa biara  
wɔ Kristo ne Onyankopɔn Ahennie no mu bi.

<sup>6</sup> Mommma obiara mfa nsem a aba nni mu  
nnaadaa mo. ɛfiri sɛ, saa nneɛma no na ɛma  
Onyankopɔn bo fu wɔn a wɔye asoɔden no.

<sup>7</sup> Enti, mo ne saa nnipa no nnye biribiara.

<sup>8</sup> ɛberɛ bi na moyɛ esum, nanso seesei deɛ,  
moyɛ hann wɔ Awurade mu. Ne saa enti  
montena ase sɛ hann mma. <sup>9</sup> ɛfiri sɛ, hann no  
ma moyɛ papa, teneneefoɔ ne nokwafoɔ, <sup>10</sup> na  
ɛhwɛhwɛ deɛ ɛsɔ Awurade ani. <sup>11</sup> Montwe mo ho  
mfiri nneɛma hunu a wɔye wɔ esum mu ho, na  
mompɔ ho ntoma. <sup>12</sup> Eyɛ aniwu sɛ wɔɔɔ nneɛma  
a asoɔdenfoɔ ye no esum mu no so. <sup>13</sup> Nanso sɛ  
hann no tɔ wɔn so a, yeɛhunu nneɔne biara a  
wɔye. <sup>14</sup> ɛfiri sɛ, hann da biribiara adi. Enti na  
wɔaka sɛ,

“Nyane, wo a woada,

na sore firi awufoo mu,  
na Kristo behyeren wo wo so.”

<sup>15</sup> Enti, monhwe mo akwan yie, enye se won a wonnim nyansa, na mmom se won a wonnim nyansa. <sup>16</sup> Monye mo akwannya biara so adee, efiri se, nna yi ye nna bone. <sup>17</sup> Monnye adwenem herefoo, na mmom monte Awurade apede ase. <sup>18</sup> Monnnom nsã mmmoro na amfa mo ankõ ahohwiebo mu. Na mmom, momma Honhom no nhye mo ma. <sup>19</sup> Momfa nnwom, ayeyie nnwom ne honhom mu nnwom nkasa nkyere mo ho mo ho. Monto dwom mma Awurade na monkamfo no wo akoma mu, <sup>20</sup> na monna Agya Onyankopon ase eberẽ biara wo biribiara ho wo yen Awurade Yesu Kristo din mu.

<sup>21</sup> Momfiri anidie a mowo ma Kristo mu, mmre mo ho ase mma mo ho mo ho.

### *Oyerenom Ne Okununom*

<sup>22</sup> Oyerenom, mommre mo ho ase mma mo kununom sedee mobre mo ho ase ma Awurade no, <sup>23</sup> efiri se okunu ye oyere no ti sedee Kristo ye asafõ no ti ne ne Gyefoo no. Asafõ no ye Kristo onipadua. <sup>24</sup> Sedee asafõ no bre ne ho ase ma Kristo no, saa ara na ese se oyerenom bre won ho ase wo biribiara mu ma won kununom.

<sup>25</sup> Okununom, monnodõ mo yerenom sedee Kristo dõ asafõ no na õde ne kra too hõ maa no, <sup>26</sup> na onam asem no so de nsuo dwaree no yee no kronkron, <sup>27</sup> de maa ne ho se asafõ a ehyeren, a enni nkekaawa anaase mponponoye anaase edem biara, na mmom eye kronkron a enni sintõ. <sup>28</sup> Saa ara na ese se mmarima dõ won yerenom sedee wõdõ won onipadua no. Obarima a õdõ ne yere no dõ n'ankasa ne ho. <sup>29</sup> Obiara

ntane ne ho. Mmom, ɔma no aduane hwe no yie sedee Kristo ye asafo no, <sup>30</sup> na yen nso yeye ne onipadua no ho akwaa. <sup>31</sup> “Yei enti, ɔbarima begya n’agya ne ne maame, na ɔde ne ho akɔɔ ne yere na wɔn baanu no nyinaa abeye honam baako.” <sup>32</sup> Yei ye ahintasem a emu dɔ, nanso mereka Kristo ne asafo no ho asem. <sup>33</sup> Enti, ese se okunu biara dɔ ne yere se n’ankasa ne ho, na ɔyere biara nso de anidie ma ne kunu.

## 6

### *Mma Ne Awofɔɔ*

<sup>1</sup> Mma, montie mo awofɔɔ asem wɔ Awurade mu efiri se, saa na eye. <sup>2</sup> “Di w’agya ne wo maame ni,” yei ne mmaranssem a edi ekan a bohye ka ho, <sup>3</sup> “na asi wo yie na wo nna nso aware asase yi so.”

<sup>4</sup> Agyanom, monnhye mo mma abufuo. Na mmom, montete wɔn wɔ Awurade nkyerekyere mu.

### *Nkoa Ne Awuranom*

<sup>5</sup> Nkoa, momfa obuo ne ɔsuro mfiri akoma pa mu nye ɔsetie mma mo honam fam wuranom, sedee mobeye ɔsetie ama Kristo no ara. <sup>6</sup> Monye ɔsetie mma wɔn, enye se mobeso wɔn ani wɔ eberɛ a wɔrehwe mo nko ara, na mmom, monye se Kristo nkoa a mofiri mo akoma mu reye Onyankopɔn apedeɛ. <sup>7</sup> Momfa mo akoma nyinaa nsom sedee moresom Awurade a ennye nnipa, <sup>8</sup> efiri se monim se adwuma pa biara a obi ye no, se ɔye ɔsomfoɔ anaa ɔde ne ho no, Awurade betua no so ka.

<sup>9</sup> Awuranom, saa ara na mo nso monye mo asomfoo. Monnyae won ahunahuna efiri se, mo ne mo asomfoo nyinaa wo wura baako a wo o sororo; na ono dee onhwe animu.

### *Nyankopon Akodes*

<sup>10</sup> Dee etwa too ne se, monye den wo ne ne tumi kесеe no mu. <sup>11</sup> Monhye Onyankopon akodee nyinaa na moatumi agyina obonsam nhyehyееe ano. <sup>12</sup> Efiri se, enye yene mogya ne honam na anya, na mmom, yene mpaninnie ne tumidie ne ewiase yi sum mu atumfoo ne ahonhommone a ewo soro ho na anya. <sup>13</sup> Yei enti, monhye Onyankopon akodee nyinaa, na se da bone no ba a, moatumi agyina, na mowie biribiara a, moagyina pintinn. <sup>14</sup> Enti monnyina pintinn, na momfa nokore mmoo mo asene, na monhye tenenee nkataboo, <sup>15</sup> na momfa Asempa no asomdwoee no nhyehye mo nan. <sup>16</sup> Yeinom nyinaa akyi no, momfa gyidie kyem, deе mode bedum obonefoo bema a eredere no. <sup>17</sup> Momfa nkwyeyee dadee kye ne Honhom no akofena a eye Onyankopon asem no.

<sup>18</sup> Eberе nyinaa mu mommoo mpaee wo Honhom mu, mpaeebo ahodoo ne nkotosre mu. Yei enti monna mo ho so, na mommoo mpaee mma ahotefoo. <sup>19</sup> Mommoo mpaee mma me nso na se mebue m'ano a, wooma me asem aka, na matumi akasa akokooduru so ada Asempa no mu ahintasem adi. <sup>20</sup> Seesei meye ho onanmusini a meda mpokyerе mu. Eno enti, mommoo mpaee mma me na matumi de akokooduru apae mu aka no sedee ese se meka no.

*Nkradie*

<sup>21</sup> Yen nua odofoo, Tihiko, a oye Awurade adwumaye mu osomfoo nokwafoo no beka biribiara akyerε mo sedee ebeye a mobe hunu sedee me ho tee ne dwuma a meredie. <sup>22</sup> Yei enti na meresoma no mo nkyen, ama moahunu sedee yen ho tee na wahye mo nkuran nso.

<sup>23</sup> Asomdwoee nka anuanom nyinaa, na Agya Onyankopon ne Awurade Yesu Kristo mma mo nokore do.

<sup>24</sup> Onyankopon adom nka won a wodo yen Awurade Yesu Kristo daa nyinaa no.

**Biblica® Wɔnhia ɛho kwamma nwoma  
Asante Twi Nkwa Asem™  
The Holy Bible in the Asante Twi language of Ghana:  
Biblica® Wɔnhia ɛho kwamma nwoma Asante Twi  
Nkwa Asem™**

copyright © 2020 Biblica, Inc.

Language: Twi

Dialect: Asante

Contributor: Biblica, Inc.

Adwuma yi, Creative Commons Attribution-ShareAlike 4.0 International License (CC BY-SA) na wode bae. Wope se wokenkan kwamma nwoma yi sɛso bi a, kɔhwɛ <http://creativecommons.org/licenses/by-sa/4.0> anaase twere krataa kɔma Creative Commons, P. O. Box 1866, Mountain View, CA 94042, USA.

Biblica® ye ahyensodee a Biblica Inc. akɔgye, na wope se wode Biblica® ahyensodee yi di dwuma a, gye se Biblica Inc. twere ho kwamma nwoma ma wo. CC BY-SA kwamma nwoma nhyehyɛɛ mu no, wobetumi aye adwuma yi sɛso de akɔ mmeaee ahodoɔ wɔ eberɛ a wonsesa Biblica® ahyensodee no. Se woye nsakrae anaase wokyerɛ saa adwuma yi ase kɔ kasa foforo bi mu efa so nya adwuma foforo firi yei mu a, ɛse se woyi Biblica® ahyensodee no firi ho. Nyafirimu adwuma no so no, ɛse se wotwere nsakrae a woaye no ne dee edidi soɔ yi nso ka ho: “Biblica Inc. adwuma kann no wɔ [www.biblica.com](http://www.biblica.com) ɛna open.bible a wonhia ɛho kwamma nwoma biara.”

Ɛse se wotwere Owuraye Tumi no wɔ baabi a nwoma no edin wɔ anaa kratafa a yetwere adwuma Owuraye Tumi gu no sɛdee edidi soɔ yi:

Biblica® Wɔnhia ɛho kwamma nwoma Asante Twi Nkwa Asem™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” ye ahyensodee a Biblica Inc. akɔgye afiri United States Patent and Trademark Office de hyɛ won nneema ahodoɔ nso. Gye se Biblica Inc. ma wo ho ekwan ansa na woatumi de adi dwuma.

“Biblica” is a trademark registered in the United States Patent and Trademark Office by Biblica, Inc. Used with permission.

Ɛse se wode saa kwamma nwoma (CC BY-SA) yi ara na ɛto wo nyafirimu adwuma no soɔ.

Adwuma yi a woakyere aseɛ ako kasa foroɔ mu yi, sɛ wopɛ sɛ wobɔ Biblica, Inc. amanneɛ a, yesɛ wo, ene yen nni nkitaho wɔ <https://open.bible/contact-us>.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at [www.biblica.com](http://www.biblica.com) and [open.bible](http://open.bible).”

Notice of copyright must appear on the title or copyright page of the work as follows:

Biblica® Wɔnhia eho kwamma nwoma Asante Twi Nkwa Asɛm™

Owuraye Tumi © 1996, 2020. Biblica, Inc. na wode ma.

Biblica® Open Asante Twi Contemporary Bible™

Copyright © 1996, 2020 by Biblica, Inc.

“Biblica” ye ahyensodeɛ a Biblica Inc. akogyɛ afiri United States Patent and Trademark Office de hyɛ wɔn nneɛma ahodoɔ nso. Gye sɛ Biblica Inc. ma wo ho ekwan ansa na woatumi de adi dwuma.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not

necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-18

---

PDF generated using Haiola and XeLaTeX on 22 Feb 2024 from source files dated 19 Apr 2023

4d908a5f-6fc6-5f10-9298-e0ab905f607f